



**AMABWIRIZA Y'IMURIKABIKORWA RYA 18 MU IKORANABUHANGA MU**  
**BUHINZI N'UBWOROZI**  
**KIGALI**  
**AMATARIKI: 18 Kamena– 27 Kamena 2025**

Imurika ry'ibikorwa by'ubuhinzi rimaze kuba inshuro cumi na zirindwi (17) kandi rimaze kumenyekana mu ruhando mpuzamahanga by'umwihariko mu Muryango Uhuza Ibihugu byo muri Afurika y'Iburasirazuba (EAC) aho ryagaragaje ko usibye inyigisho abaryitabira barivanamo, ribafasha no mu guteza imbere ubucuruzi bw'ibikomoka ku Buhinzi n'Ubworozi.

Imurika ry'ibikorwa ry'ikoranabuhanga mu buhinzi n' ubworozi rihuza abahinzi, aborozi, abacuruzi, abashakashatsi, abafatanyabikorwa ndetse n'abaterankunga bafasha mu byiciro bitandukanye by'ubuhinzi n'ubworozi. Ni uburyo bwiza bwo kugeza ku banyarwanda n'abanyamahanga ibyo ukora, hakoreshejwe inzira zikurikira:

- Gusurwa kw'ibimurikwa.
- Ibiganiro hagati y'abamurika ibikorwa n'abitabira imurika.
- Kubonana kw'abamurika, abashakashatsi, abacuruza ibikoreshwa mu Buhinzi n'Ubworozi, abacuruza ibikomoka ku Buhinzi n'Ubworozi n'abashoramari mu Buhinzi n'Ubworozi.
- Kugirana amasezerano y'ubufatanye ndetse n'amasezerano y'ubucuruzi hagati y'abahinzi n'abashoramari.

Imurika rya cumi n'umunani (18) ry'ikoranabuhanga mu Buhinzi n'Ubworozi rizabera ku Mulindi mu Karere ka Gasabo, Umujyi wa Kigali kuva tariki ya 18 Kamena kugeza tariki 27 Kamena 2025. Dore bimwe mu bisobanuro by'ibanze ku bijyanye n'iryo murika:

**1. Insanganyamatsiko:**

***"Duteze imbere guhanga ibishya n'ishoramari, nk'inkingi z'ubuhinzi n'ubworozi bidahangabanywa n'ibihe"***

**2. Kwiyandikisha.**

Uwiyandikisha yuzuzza neza ifishi yabugenewe akayohereza kuri email: [agrishow@minagri.gov.rw](mailto:agrishow@minagri.gov.rw), cyangwa se akayizana ku cyicaro cya Minisiteri y'Ubuhinzi n'Ubworozi.

Ifishi yo kwiyandikisha iboneka kuri website [www.minagri.gov.rw/agrishow](http://www.minagri.gov.rw/agrishow) ariko ubishyamba ashobora no kuyifata ku cyicaro cya Minisiteri y'Ubuhinzi n'Ubworozi cyangwa ibigo biyishamikiyeho.

Ukeneye ibindi bisobanuro yahamagara kuri (+250)0784010290, (+250)0788640537 cyangwa +250788302083 na hotline 4127.

P.O Box 621, Kigali | E-mail: [info@minagri.gov.rw](mailto:info@minagri.gov.rw) | Website: [www.minagri.gov.rw](http://www.minagri.gov.rw) | X: @RwandaAgri

Uwiyandikishije yemererwa na Komite yabigenewe akabimenyeshwa ahabwa stand.

### 3. Ibimurikwa

Hamurikwa ibikorwa by'Ubuhinzi n'Ubworozi, ibibikomokaho n'ibikoresho byifashishwa muri ibyo bikorwa byo kwihaza mu biribwa gusa

### 4. Gushyira ibizamurikwa muri Stand.

Ahabera imurikabikorwa mu ikoranabuhanga mu buhinzi n'ubworozi hari Stands 92 zubatse aho imwe yishyurwa amafaranga y'u Rwanda ibihumbi bitanu (5000 Rwf) ku benegihugu. Abanyarwanda bitabiriye iri murikabikorwa batabonye umwanya muri stands zubatse berekwa na Komite ibishinzwe ikibanza biyubakiramo stand bakoresheje ihema ryabo. Umunyamahanga wese witabiriye iri murikabikorwa yishyura amadorari ijana (100 USD). Ntawemerewe kwiha stand cyangwa ikibanza. Abazamurika barasabwa kugeza ibimurikwa byabo muri stand ku munsu wa mbere w'imurikabikorwa.

### 4. Amafaranga yo kwiyandikisha

Uwiyandikisha mu kwitabira imurika ari Umunyarwanda cyangwa se kampani Nyarwanda yishyura amafaranga y'u Rwanda ibihumbi bitanu (5000 Rwf) agenewe stand.

Iyo ari umunyamahanga cyangwa se kampani y'Abanyamahanga yaba ikorera imbere mu Gihugu cyangwa hanze yishyura amadorari ijana y'Amerika (100 USD). Umurika agenerwa stand imwe, ariko ashobora guhabwa indi mu gihe abihereye uruhushya n'abashinzwe imurika kandi akanayishyura. Aya mafaranga ashirwa kuri konti ya **MINAGRI- RIF 2** nimeru **100007443** iherereye muri Banki Nkuru y'u Rwanda (BNR). Abatishyura aya mafaranga ya stand bari mu byiciro bikurikira:

- Uwateye inkunga mu gushyira mu bikorwa imurikabikorwa ry'ikoranabuhanga mu buhinzi n'ubworozi n'abamurika bazanye;
- Umunyarwanda cyangwa kampani nyarwanda bahawe ikibanza cyokwiyubakiramo stand bakoresheje tent;
- Ibigo n'imishinga bishamikiye kuri MINAGRI byitabiriye imurikabikorwa;
- Abamurika bazanywe na MINAGRI cyangwa imishinga yayo bahawe stand.

### 5. Amahoro ya duwani na gasutamo.

Abazamurika ibintu bivuye hanze baragirwa inama zikurikira:

- Kuba ibyo bazamurika byarasuzumwe n'urwego rubishinzwe ko bifite ubuziranenge kandi nta ngaruka bifite ku buzima no kubidukikije. Bagomba kwerekana icyemezo cy'uko byagenzuwe.

- Gushyiraho ukurikirana ipakira n'irihwa ry'imisoro kuva mu Gihugu ibimurikwa biturutsemo kugera bigeze kuri gasutamo y'u Rwanda aho abakozi ba duwani babashinzwebazabafasha mu bindi byazakenerwa kugirango ibimurikwa byinjire.

## 6. Imisoro n'amahoro.

Ibimurikwa biturutse hanze y'igihugu ntibyishyura amahoro igihe byinjira, ariko iyo bigurishijwe mu gihe cy'imurika byishyuzwa hakurikijwe ibiteganwa n'ikigo cy'igihugu gishinzwe Imisoro n'Amahoro. Ibimurikwa bikomoka mu Rwanda nabyo byishyura umusoro uteganywa n'ikigo cy'igihugu gishinzwe imisoro n'amahoro, igihe byacurujwe mu imurika.

## 7. Gusura imurika.

- Abasura imurika ntibishyuzwa, binjirira Ubuntu
- Abamurika n'abasura bubahiriza amabwiriza bahawe n'abashinzwe imurika.

## 8. Guparika imodoka.

Imodoka zose zizaza mu imurika zizagenerwa aho ziparikwa ndetse n'umutekano wazo ukaba ariho ukurikiranirwa. Imodoka zizaparikwa ahatemewe zizakurwaho nta yindi nteguza.

**Icyitonderwa:** Ni ngombwa gusiga ufunze neza imodoka yawe, kuko MINAGRI ntabwo yishingira icyaburamo. Kubazana ikinyabiziga nka moto n'igare nabo barasabwa kujya basiga babiziritse kandi bakabisiga ahantu beretswe n'abashinzwe umutekano.

## 9. Amazi n'umuriro.

Abazamurika bazagezwaho amazi n'umuriro batabyishyuye igihe cyose bazaba babikeneye.

Amazi yo kunywa apfundikiye yo azaba aboneka aguzwe ku bayacuruza.

## 10. Kwica isari n'inyota.

Ahabera imurika hazaba hari ibinyobwa n'ibiribwa bicuruzwa.

Abemerewe gucuruza ibinyobwa n'ibiribwa ni abahawe uburenganzira na MINAGRI. Ntawundi wemerewe kubicuruza.

## 11. Ubutabazi bw'ibanze.

Ahabera imurikabikorwa ry'ikoranabuhanga mu buhinzi n'ubworozi hazaba hari stand y'Umuryango Utabara Imbabare: Croix Rouge/Red Cross.

## 12. Kwitondera impanuka zikomoka ku muriro.

Gucana umuriro witwaje impamvu iyo ariyo yose ntibyemewe ahazabera imurika ry'ikoranabuhanga mu buhinzi n'ubworozi. Gucana byemewe gusa ku bantu

P.O Box 621, Kigali | E-mail: info@minagri.gov.rw | Website: www.minagri.gov.rw | X: @RwandaAgri

babiherewe uburenganzira na MINAGRI bazaba bafite akazi ko guteka no kugaburira abazitabira iri murika.

### **13. Gutunganya no kongerera agaciro ibikomoka ku Bworozi**

Abazamurika ibikomoka ku Bworozi bikenerwa gutunganywa no kongererwa agaciro by'umwihariko amafi n'inyama, bagomba kwitwaza ibikoresho byabugenewe bituma haboneka isuku ihagije no kwirinda impanuka zishobora kuboneka

### **14. Umutekano.**

Minisiteri izishingira umutekano rusange w'abamurika n'ibizamurikwa byose. Ariko buri wese arasabwa gukora ku buryo ibyo azamurika bitangirika cyangwa ngo byibwe kubera uburangare ubwo aribwo bwose bumuturutseho.

### **15. Ibyabura mu gihe cy'imurika.**

N'ubwo Minisiteri izishingira umutekano muri rusange, ntishobora kubazwa ibizabura mu gihe cy'imurika bitewe n'uburangare bwa nyirabyo.

### **16. Ubwishingizi.**

Abazamurika baragirwa inama yo gufata ubwishingizi bw'ibintu byabo bizamurikwa mu gihe imurika rizamara.

### **17. Kujugunya imyanda.**

Imyanda yose ishyirwa ahabugenewe abazamurika bazerekwa bahageze.

### **18. Amasaha yo gufungura no gusozza ibikorwa by'imurika.**

Kumurika bizajya bitangira buri muni saa moya za mugitondo birangire saa moya za nimugoroba. Abamurika bagomba kwicungira umutekano ubwabo ku ma stand kugira ngo hatagira ikibura.

### **19. Kumurika nijoro.**

Ntibyemewe kumurika mu gihe cy'amasaha ya nijoro.

### **20. Amafaranga y'ingendo.**

Abazitabira imurika barasabwa guteganya amafaranga y'ingendo bava cyangwa bajya aho iki gikorwa kizabera kugera aho bazaba bacumbitse

**Dr. KAMANA Olivier**  
Umunyamabanga Uhoraho



**URUPAPURO RWUZUZWA N'ABAZAMURIKA**

**IMURIKABIKORWA RY'UBUHINZI N'UBWOROZI RYA 18 RITEGANYIJWE  
KUYA TARIKI YA 18 KAMENA KUGEZA TARIKI YA 27 KAMENA 2025**

**MINISITERI Y'UBUHINZI N'UBWOROZI**

**P.O.Box 621 KIGALI, RWANDA**

**Cell phone: (+250)784010290, (+250)788640537, (+250)788302083**

**Umurongo utishyuzwa: 4127**

**E-mail: [agrishow@minagri.gov.rw](mailto:agrishow@minagri.gov.rw)**

**Website: [www.minagri.gov.rw](http://www.minagri.gov.rw)**

<b>I. Izina (umuntu, ikigo, sosiyete):</b>			
<b>II. icyo bakora:</b>			
<b>Intara:</b>		<b>Akarere:</b>	
<b>Amazina y'abazayihagararira:</b>			
<b>1</b>			
<b>2</b>			
<b>3</b>			
<b>Umuntu wabatangaho amakuru yihutirwa:</b>			
<b>Tel:</b>		<b>Fax:</b>	
<b>Aderesi ya Kompanyi:</b>			
<b>Tel No:</b>		<b>Fax No:</b>	
<b>III. Ibyo Muzamurika:</b>			
<b>Ibizamurikwa</b>	<b>Uko bingana</b>	<b>Aho bizaturuka</b>	<b>Umwanya ukenewe</b>
<b>Umubare wa stands zikenewe:</b>			
<b>Andi makuru ku bizamurikwa:</b>			

*Icyitonderwa: Uzuzura uru rupapuro neza urwohereze kuri aderesi zerekanywe mbere y'itariki ya 14/06/2025.*